



Igl meis d'avregl 2023 ò la suprastanza comunala tracto tranter oter igls affars suandonts:

Immobiglias, fatgs da santieri e sepultura, provedimaint d'ava

- Approvaziun digl contract da compra cun la Immo Naloz AG pertutgont vendita "Tgesa Ballat" a Tinizong siva dalla partiziun giu dalla parcella nr. 41 an possess digl cumegn a "Tinizong, Sumvei".
- Approvo la dumonda dall'Uniun da tiradours Surses per schliier prematuradamaintg igl contract da dretg da biagier cugl cumegn tgi cozza anfignen la fegn digl onn 2029 per la tgesa da teir a Tinizong
- Decidia da surdar las lavours an connex cun igl project d'investiziun "provedimaint d'ava e dismessa d'ava persa Alp Flex a Sur", scu suandont:
 - Lavours da construcziun bassa a Luzio Tiefbau AG, 7460 Savognin
 - Lavours sanitaras a Cavegn AG, 7460 Savognin
 - Furniziun da tumbigns prefabritgias a HWT Haus- und Wassertechnik AG, Au SG
 - Furniziun e montascha da quatter sereneras pitschnas a Creabeton AG, Trimmis

Fatgs generals, fatgs da persunal, economia e provedimaint d'energeia

- Decidia da surdar l'incumbensa per la compra da dus centralas termoelectricas sen distanza digl tip EC Power, scu er en filter da natteda da gas cun carvung activ per la ARA Sot Gôt, Cunter, alla BES BHKW Energie-Service AG, Neukirch TG.

Siertad publica e traffic

- Decidia da refusar igl recurs pertutgont la supplica da montar en spievel da traffic tar la cruschada Veia Sur Curt, Veia Sur Tocf, Veia Vil sen cunsegliaziun dalla tecnica da traffic dalla Pulizeia cantunala grischuna.
- Decidia da surdar l'elaboraziun dalla planisaziun e la dumonda dallas farmadas da posta sainza impedimaints, alla Planisaziun Sonder SA, Salouf.

Ovras communalas, infrastruttura turistica, economia forestala

- Decidia da surdar las lavours da catram tar l'anterioura tgesa da scola a Beiva alla Mettler Prader AG, Cunter.
- Decidia da surdar las lavours da mester impressari per la renovaziun dalla veia da gôt, tgi equipescha las alps Tarvisch e Tscharnoz, alla Cotti Agrar Forst Kommunal, Sur.